



REPUBLIKA E KOSOVËS-REPUBLIKA KOSOVA-REPUBLIC OF KOSOVO
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBEKOSOVA
INDEPENDENT OVERSIGHT BOARD CIVIL SERVICE OF KOSOVO

Planuar / Dorezuar Prijmljeno/Prodato Received/Delivery	29.08.2022	viti god year	2
Organ /Njesia Organ /Jedinica Org./Unit	Nr Prot Br Prot Prot No	Shtojca Prilog Appendix	Sasia Kolicina Quantity
SKPM/SICK	5012/2022		114



Republika e Kosovës
Republika Kosova - Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBEKOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.664/2022

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Ardita Haxhnikaj-Demi-kryetare, Eshref Shabani dhe Malësore Gashi-Bajraktari-anëtarë, me Avdyl Bekteshi-Zyrtar i Lartë për Bashkëpunim Profesional në cilësinë e procesmbajtëses, ka shqyrtuar ankesën me numër A.nr.664/2022 të datës 26.07.2022 të parashtruar nga ankuesi _____ nga _____ me adresë _____ kundër Vendimit Nr.02-112/02-0060481/22 të datës 22.07.2022 të Kryetarit të Komunës së Podujevës, në çështjen juridike "transferim i përkohshëm", duke vepruar në pajtim me nenin 6 paragrafin 1 nën paragrafin 1.1, nenin 16 paragrafi 3 dhe nenin 18 paragrafin 1 nën paragrafin 1.2 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur më datë 29.08.2022, mori këtë

V E N D I M

- I. *Aprovohet si e bazuar* ankesa me numër A.nr.664/2022 e datës 26.07.2022 e parashtruar nga ankuesi
- II. *Shfuqizohet* Vendimi Nr.02-112/02-0060481/22 i datës 22.07.2022 i Kryetarit të Komunës së Podujevës.
- III. *Obligohet* Kryetari i Komunës së Podujevës që brenda afatit prej 15 ditësh nga dita e pranimit të këtij vendimi, të kthejë ankuesin në pozitën "Inspektor i shërbimeve publike" sipas Akt Emërimit të datës 08.02.2016 me të gjitha të drejtat dhe detyrimet që lidhen nga marrëdhënia e tij e punës.
- IV. Këshilli i Pavarur Mbikëqyrës për Shërbimin Civil të Kosovës, duhet të njoftohet me shkrim pas ndërmarrjes së veprimeve në pajtim me këtë vendim.

A r s y e t i m

Ankuesi _____ i punësuar në Komunën e Podujevës, më datë 26.07.2022 ka parashtruar ankesë me numër protokollit 4313/2022 në Këshillin e Pavarur Mbikëqyrës për

Shërbimin Civil të Kosovës, kundër Vendimit Nr.02-112/02-0060481/22 të datës 22.07.2022 të Kryetarit të Komunës së Podujevës për transferim të përkohshëm, me bazë ankimore që i njëjti të anulohet si i paligjshëm.

Këshilli i Pavarur Mbikëqyrës për Shërbimin Civil të Kosovës bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, me datë 27.07.2022 ka proceduar kërkesën e ankuesit për përgjigje në ankesë në Komunën e Podujevës. Ndërsa Këshilli, më datë 28.07.2022 ka pranuar shkresat lidhur me çështjen ankimore në vendosje.

Kolegji për Shqyrtimin dhe Vendosjen e Ankesave ka administruar këto prova: Ankesën me numër protokoll 4313/2022 të datës 26.07.2022; Vendimin me numër 02-112/02-0060481122 të datës 22.07.2022 për transferim të përkohshëm; Akt emërimin e datës 08.02.2016; Kërkesën për përgjigje në ankesë me numër protokoll 4368/2022 të datës 27.07.2022; Përgjigjen në ankesë me numër protokoll 4389/2022 të datës 28.07.2022; Formularin për ankesë të datës 21.07.2022; Kërkesën për transferim të datës 21.07.2022; Formularin për kërkesë apo ankesë të datës 22.07.2022; Pëlqimin për transferim të datës 21.07.2022; Përshkrimin e detyrave të punës për pozitën Inspektor i Shërbimeve Publike; Përshkrimin e detyrave të punës për pozitën "Zyrtar për arkiv 4"; Certifikatën me numër reference 01-031-906 të datës 25.11.2013;

Kolegji për Shqyrtimin dhe Vendosjen e Ankesave bazuar në vlerësimin e hollësishëm të çdo prove veç e veç dhe të gjitha provave të marra së bashku, si dhe bazuar në rezultatin tërësor të shqyrtimit administrativ, konstatoi së është e bazuar ankesa e ankuesit, *sepse:*

Nga administrimi i provave materiale rrjedhë se ankuesi sipas Akt Emërimin të datës 08.02.2016 është i emëruar dhe ushtron pozitën e punës "Inspektor i Shërbimeve Publike" në Drejtorinë për Inspektime të Komunës së Podujevës. Më datë 21.07.2022 Drejtori i Drejtorisë për Kulturë, Rini dhe Sport ka parashtruar kërkesë të Drejtori i Drejtorisë së Inspeksionit për transferimin e një zyrtari nga Drejtori e Inspeksionit me arsye të shkuarjes në pushim të lehonisë së zyrtares se arkivit, ndërsa Drejtori i Inspeksionit më datë 21.07.2022 ka dhënë pëlqimin për transferim ku ka propozuar ankuesin si zyrtar të përshtatshëm për kryerjen e detyrave të punës që lidhen me arkivin. Kryetari i Komunës së Podujevës më datë 22.07.2022 ka nxjerr Vendimin Nr.02-112/02-0060481/22 me të cilin ka bërë transferimin e përkohshëm të ankuesit nga pozita Inspektor i Shërbimeve Publike në pozitën Zyrtar për Arkiv 4.

Ankuesi në ankesën e parashtruar në Këshillin e Pavarur Mbikëqyrës për Shërbimin Civil të Kosovës, pretendon së vendimi i kundërshtuar me ankesë është nxjerrë në kundërshtim me Ligjin Nr.06/L-114 Për Zyrtarët Publikë dhe Rregulloren (QRK) Nr.14/2020 për Transferimin e Nëpunësve Civilë, duke shtuar së ky vendim është marrë nga personi jo kompetent, nuk është përcaktuar kohëzgjatja e transferimit, dhe se nuk përmban elementet e aktit administrativ sipas nenit 47 të Ligjit Nr.05/L-031 për Procedurën e Përgjithshme Administrative.

Lidhur me shqyrtimin e pretendimit ankimor mbi bazën e jo kompetencës, Kolegji ju referua nenit 5 paragrafi 2 të Rregullores (QRK) Nr.14/2020 për Transferimin e Nëpunësve Civilë me të cilin është përcaktuar se: *Transferimi i përkohshëm në interes të institucioni, miratohet nga*

njësia përgjegjëse, e cila njofton me shkrim nëpunësin civil që do të transferohet. Për marrjen e këtij vendimi njësia përgjegjëse mbështetet në analizën e plotësimin nga ana e nëpunësit të kritereve të pozitës të punës ku ai kërkohet të transferohet', dhe rrjedhimisht në kuptim të këtyre dispozitave ligjore si dhe duke u bazuar në nenin 5 paragrafi 1 nën paragrafi 1.6 të Ligjit Nr.06/L-114 për Zyrtarët Publikë, Kolegji konstaton së vendimi i kundërshtuar me ankesë është nxjerrë nga personi jo kompetent përkatësisht në rastin kontestues vendimin për transferimin e përkohshëm të ankuesit e ka lëshuar Kryetari i Komunës së Podujevës e jo Njësia e Burimeve Njerëzore si organ kompetent, andaj mbi këtë bazë konstatimi rrjedhë së është i bazuar pretendimi ankimor theksuar si më lartë.

Kolegji i Këshillit në kuptim të shqyrtimit të ligjshmërisë së vendimit të goditur me ankesë, ka analizuar nenin 52 paragrafi 1 të Ligjit Nr. 06/L-114 për Zyrtarët Publikë, më të cilin shprehimisht përcaktohet se: *Nëpunësi civil mund të transferohet përkohësisht në një pozitë tjetër të Shërbimit Civil të së njëjtës kategori, në këto raste: 1.1. kur është në interes të institucionit, deri në 6 muaj gjatë 2 vjetëve...''*, ndërsa, nga vlerësimi i Vendimit Nr.02-112/02-0060481/22 të datës 22.07.2022 për transferim të përkohshëm të ankuesit, Kolegji gjen së në vendimin në fjalë nuk është saktësuar kohëzgjatja e transferimit, kështu që mbi këto arsye e në kuptim të nenit 47 paragrafi 1 nën paragrafi 1.2 të Ligjit Nr.05/L-031 për Procedurën e Përgjithshme Administrative, Kolegji vlerëson së është i bazuar pretendimi ankimor se Vendimi i takuar me ankesë është nxjerrë në kundërshtim me dispozita e nenit 52 paragrafi 1 nën paragrafi 1.1 të Ligjit Nr. 06/L-114 për Zyrtarët Publikë.

Sa i përket pretendimit ankimor se vendimi i kontestuar nuk përmban elementet e aktit administrativ siç kërkohet më nenin 47 të Ligjit Nr.05/L-031 për Procedurën e Përgjithshme Administrative, Kolegji nga analizimi i vendimit të kundërshtuar konstatoi së i njëjti përmban vetëm pjesën hyrëse dhe dispozitivin, ndërsa nuk përmban pjesën arsyetuese dhe këshillën juridike, siç parashihet me nenin 47 paragrafi 1 të Ligjit Nr. 05/L-031 për Procedurën e Përgjithshme Administrative, ku shprehimisht është theksuar se: *1. Akti administrativ i shkruar përmban: 1.1. pjesën hyrëse, që tregon emrin e organit publik që ka nxjerrë aktin, bazën ligjore, emrin e atij të cilit i drejtohet akti, shënim të shkurtër të lëndës së procedurës dhe datën e nxjerrjes; 1.2. pjesën urdhëruese (dispozitivin), që tregon çfarë është vendosur si dhe afatin, kushtin, detyrimin dhe shpenzimet e procedurës, nëse është i zbatueshëm. Dispozitivi mund të ndahet edhe në më shumë pika. Shpenzimet e procedurës përcaktohen në pikë të veçantë të dispozitivit. 1.3. pjesën arsyetuese (në vijim: arsyetimin); 1.4. pjesën përmbyllëse, që tregon kohën e hyrjes në fuqi të aktit, informatat për mjetet juridike, përfshirë organin publik apo gjykatën ku paraqitet mjeti juridik administrativ apo gjyqësor, formën e mjetit, afatin përkatës dhe mënyrën e llogaritjes së tij (këshillën juridike). Në rast kur ushtrimi i ankesës administrative, sipas ligjit, nuk pezullon zbatimin e aktit administrativ, pjesa përmbyllëse gjithashtu duhet të përmbajë këtë informacion, si dhe bazën ligjore për një përjashtim të tillë'',* kështu që pretendimi i ankuesit mbi këtë bazë ankimore është i ligjërishit i drejtë dhe i bazuar.

Nisur nga të gjeturat dhe konstatimet si me lartë, Kolegji i Këshillit konstaton së një akt administrativ i nxjerr nga organi jo kompetent, me shkelje të dispozitave materiale si dhe duke mos respektuar elementet e detyrueshme të aktit administrativ është akt administrativ i paligjshëm ashtu siç përcaktohet me nenin 52 paragrafi 1 nën paragrafi 1.2, 1.4 dhe 1.5 të Ligjit Nr.05/L-031 për Procedurën e Përgjithshme Administrative, e në këtë kuptim dhe më

qëllim të vendosjes së ligjshmërisë Kolegji i Këshillit duke u bazuar në nenin 18 paragrafi 1 nën paragrafi 1.2 të Ligjit Nr.06/L-048 për Këshillin e Pavarur Mbiqyrës për Shërbimin Civil të Kosovës si dhe nenin 132 paragrafi 4 të Ligjit Nr.05/L-031 për Procedurën e Përgjithshme Administrative, vendosi si në dispozitiv të këtij vendimi.

Vendimi hyn në fuqi ditën e nënshkrimit nga Kryetarja e Kolegjit.

Këshillë juridike:

Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalin ekzekutimin e këtij vendimi.

KËSHILLI I PAVARUR MBIQYRËS PËR SHËRBIMIN CIVIL TË KOSOVËS

Lënda me numër A.nr.664/2022

Aydy BEKTESHI



Zyrtar i Lartë për Bashkëpunim Profesional

Ardita Haxhnilcaj-DEMI

Kryetare e Kolegjit



Vendimi i dërgohet:

- Ankuesit
- Kryetarit të Komunës së Podujevës;
- Udhëheqësit të Burimeve Njerëzore në Komunën e Podujevës dhe
- Arkivit të KPMSHCK-së.

